



REPUBLIKA E SHQIPËRISË
MINISTRIA E KULTURËS

KËSHILLI KOMBËTAR PËR TË DREJTAT E AUTORIT

Nr. 25 Prot.

Tiranë, më 29 . 06 .2020

VENDIM

Nr. 10 , datë 29 . 06 . 2020

**“MBI KËRKESËN E DEPOZITUAR NGA AGJENCIA DREJTUESE E SPORTELIT
UNIK – S.U.A.D.A PËR PLOTËSIMIN E VENDIMIT NR. 9, DATË 11.05.2020 TË
KËSHILLIT KOMBËTAR PËR TË DREJTAT E AUTORIT”**

Në zbatim të pikës 2 të nenit 138 të ligjit nr. 35, datë 31.03.2016 “Për të drejtat e autorit dhe të drejtat e tjera të lidhura me to”; Vendimit të Këshillit të Ministrave nr. 35, datë 18.01.2017 “Për mënyrën e funksionimit, të organizimit dhe të shpërblimit të Këshillit Kombëtar për të Drejtën e Autorit”; Vendimit të Këshillit Kombëtar për të Drejtën e Autorit nr. 2, datë 20.04.2017 “Për miratimin e rregullores të organizimit dhe funksionimit të Këshillit Kombëtar për të Drejtën e Autorit (KKDA)”, Vendimit të Këshillit Kombëtar për të Drejtën e Autorit nr. 9, datë 11.05.2020 “Për transferimin e funksionit të mbledhjes së tarifave për të gjitha kategoritë të mbajtësve të të drejtave të autorit dhe të drejtave të tjera të lidhura me to në administrimin kolektiv dhe drejtimin e sporteli unik të administrimit të së drejtës së autorit – SUADA” dhe në vijim të kërkesës së së Agjencisë Drejtuese të Sportelit Unik – SUADA, për plotësim të vendimit të KKDA nr. 9, datë 11.05.2020 “Për transferimin e funksionit të mbledhjes së tarifave për të gjitha kategoritë të mbajtësve të të drejtave të autorit dhe të drejtave të tjera të lidhura me to në administrimin kolektiv dhe drejtimin e Sporteli Unik të administrimit të së drejtës së autorit – SUADA”, me emrin e Drejtorit Ekzekutiv, konsatojmë se:

Në analizë të Statutit aktual, Qendra S.U.A.D.A është një organizatë jofitimprurëse, e ngritur në zbatim të Ligjit nr. 35/2016 “Për të drejtat e autorit dhe të drejta të tjera të lidhura me to”, Udhëzimin nr. 663, datë 10.10.2017 “Për mënyrën e funksionimit dhe organizimit të Sportelit Unik për Administrimin e të Drejtës së Autorit – SUADA në administrimin kolektiv” dhe legjislacionit për organizatat jofitimprurëse, ligji nr. 8788, datë 07.05.2001 “Për Organizatat Jofitimprurëse”.

Në formën e tij aktuale Statuti i SUADA ka themelues të saj ish Agjencinë e Administrimit Kolektiv “AMP” dhe AAK-në “ALBAUTOR”. Referuar bazës ligjore në fuqi, Bordi Drejtorëve

të S.U.A.D.A përbëhet nga AAK-të e licencuara dhe aktualisht janë “Albautor”, “F.M.A.A” dhe “AKDIE”. Sporteli Unik SUADA është krijuar si një OJF duke bazuar funksionimin dhe organizimin e saj në ligjin për të Drejtat e Autorit dhe aktet nënligjorë në zbatim të tij.

Ligji i posaçëm ka përcaktuar qartë mënyrën e zgjidhjes së mosmarrëshjeve në zbatim të nenit 138. Gjithashtu, Udhëzimi nr. 663, datë 10.10.2017 i Ministrit të Kulturës, në Kreun II “Statuti dhe Detyrat” përcakton se: *“SUADA krijohet si organizatë jofitimprurëse, person juridik në formën Qendër e cila regjistrohet në gjykatë. Për miratimin e aktit të themelimit, statutit dhe rregullores së organizimit dhe funksionimit të Sporteli Unik për Administrimin e të Drejtës së Autorit – SUADA zbatohet ligji 35/2016 për të drejtën e autorit, ky udhëzim dhe legjislacioni për organizatat jofitimprurëse. Në rast të konfliktit/konkurimit të dispozitave të këtij udhëzimi me aktet e tjera zbatohet ligji për të drejtën e autorit dhe ky udhëzim”*.

Vendimi i Gjykatës së Rrethit Gjyqësor Tiranë nr. 1224/5 datë 04.06.2020, sqaron qartë atributet dhe kompetencat vendimarrëse të KKDA në kushtet kur pika 1 e nenit 138 nuk është arritur dhe mungon konsensusi i duhur me marrëveshje unanime mes Agjencive të Bordit të Drejtimit të SUADA-s për të zgjedhur agjencinë drejtuese dhe për të përcaktuar drejtorin ekzekutiv.

Vendimmarrja e bordit të drejtorëve sipas ligjit që rregullon veprimtarinë e organizatave jofitimprurëse, Ligjin nr. 8788/2001 nuk është e zbatueshme për sa kohë që Udhëzimi nr. 663, datë 10.10.2017 të Ministrit të Kulturës, e ka të përcaktuar prevalencën e dispozitave ligjore: *“Në rast të konfliktit/konkurimit të dispozitave të këtij udhëzimi me aktet e tjera zbatohet ligji për të drejtën e autorit dhe ky udhëzim”*.

Gjithashtu ligji nr. 8878/2001 “Për organizatat jofitimprurëse”, i ndryshuar në nenin 11 pika 4 përcakton se: *“Për themelimin, organizimin dhe funksionimin e qendrës zbatohen dispozitat ligjore përkatëse të fondacionit, përveç kur parashikohet shprehimisht ndryshe në këtë ligj dhe dispozita të tjera ligjore.”*

Në interpretim të dispozitave ligjore në fuqi është ndjekur i njëjti precedent për vendimin nr. 8, datë 19.11.2018 *“Për transferimin e funksionit të mbledhjes së tarifave për të gjitha kategoritë të mbajtësve të të drejtave të autorit dhe të drejtave të tjera të lidhura me to në administrimin kolektiv dhe drejtimin e Sporteli Unik të administrimit të së drejtës së autorit – SUADA”*, ku në mungesë të marrëveshjes mes Agjencive për drejtimin e Sportelit Unik, KKDA vendosi për agjencinë drejtuese dhe Drejtorin Ekzekutiv me një afat kohor të përcaktuar.

Duke qënë se e drejta e zgjedhjes së Agjencisë drejtuese të SUADA i ka kaluar KKDA, kjo e fundit cmon se Drejtori Ekzekutiv i SUADA do të jetë Drejtori Ekzekutiv i Agjencisë që është përzgjedhur të drejtojë SUADA nga KKDA sipas përcaktimeve të Vendimit nr. 9, datë 11.05.2020 *“Për transferimin e funksionit të mbledhjes së tarifave për të gjitha kategoritë të*

mbajtësve të të drejtave të autorit dhe të drejtave të tjera të lidhura me to në administrimin kolektiv dhe drejtimin e Sporteli Unik të administrimit të së drejtës së autorit – SUADA”.

Sa më sipër, në kushtet e nenit 138 pika 2 të ligjit, Kreut II të Udhëzimit nr. 663, datë 10.10.2017 dhe në vijim të kërkesës së F.M.A.A, Statutit të Sportelit Unik – SUADA, vendimit të Gjykatës së Rrethit Gjyqësor Tiranë nr. 1224/5 datë 04.06.2020 dhe precedentit për vendimmarrjen e KKDA në zbatim të nenit 138 të ligjit 35/2016 ‘Për të drejtat e autorit dhe të drejtat e tjera të lidhura me të’,

VENDOSI:

1. Plotësimin e pikës 1 të vendimit nr. 09, datë 11.05.2020 si më poshtë:

“Transferimin e funksionit të mbledhjes së tarifave për të gjitha kategoritë e mbajtësve të të drejtave të autorit dhe të drejtave të tjera të lidhura me to në administrimin kolektiv, në bazë të nenit 138, të ligjit 35/2016, agjencisë së administrimit kolektiv “F.M.A.A”, me Drejtor Ekzekutiv Z. Saimir Kumbaro, nga data 11.05.2020 deri në datën 31.12.2021.

2. Ngarkohet Agjencia “F.M.A.A” që brenda 30 ditëve nga njoftimi/publikimi i këtij vendimi të paraqesë pranë Gjykatës së Rrethit Gjyqësor Tiranë kërkesën për pasqyrimin e ndryshimeve në aktet e Qendrës S.U.A.D.A.
3. Ky vendim hyn në fuqi menjëherë dhe publikohet në faqen zyrtare të Ministrisë së Kulturës si dhe në Fletoren Zyrtare.
4. Kundër vendimit të Këshillit Kombëtar për të Drejtën e Autorit, palët kanë të drejtë të ankohen në gjykatën kompetente brenda afateve të parashikuara në Kodin e Procedurës Administrative. Afati i ankimit, llogaritet nga data e njoftimit të këtij vendimi.
5. Ngarkohet sekretariati teknik i Këshillit Kombëtar për të Drejtën e Autorit për njoftimin e këtij vendimi.

PËR SEKRETARIATIN TEKNIK

SEKRETAR I PËRGJITHSHËM

ENTELE CIPA

KRYETARI I KKDA

INES MUÇOSTEPA